



CORO UGOLINI

Sanmatio (Bepi De Marzi)

Co la regina de San Matio
la vole l'acqua rento 'I so castelo,
ma che la porta el capitano,
quel che comanda la cità de Giano.

Ma 'I capitano ga za l'amore,
la ze la fiola de Lilano Belo;
el se la porta nel so castelo
e l'indormenza co' le serenate.

Le serenate del capitano
le sveja tutta la cità de Giano
Ma la regina no' ze contenta:
la vole l'acqua de la Valle Scura.

El capitano el ga paura,
el ga paura de la Busa Fonda.
La Busa Fonda, la Busa Nera,
el capitano belo el se dispera.

El se dispera el capitano,
quel che comanda la cità de Giano.
Ma la regina no' ze contenta:
la vole l'acqua rente l'erba menta.

Co' l'erba menta, co' l'erba amara,
la Busa Fonda la diventa ciara,
col primo sole de la matina,
la prima onda ze de l'acqua fina.

Col primo sole, la prima onda,
co l'acqua fina la diventa bionda,
col primo sole de la matina
el capitano trova l'acqua fina.

Col primo sole, la prima onda,
co l'erba menta la diventa bionda,
col primo ciaro de la matina
el capitano beve l'acqua fina.

Ma la regina no ze contenta:
la vole l'acqua rento 'I so castelo;
che ghe la porta, col capitano,
la vol la fiola del Lilano Belo.

Lilano Belo dal campo tondo
ga tanti fiori che profuma 'I mondo,
ma il capitano li porta via
così la storia 'desso la ze finia.

La ze la storia del capitano,
quel che comanda la cità de Giano.
La ze la storia del la regina
che la voleva tutta l'acqua fina.

Ma il capitano la porta via,
così la storia 'desso la ze finia.